

AGENDRE TRINITATIS

MINGGU 30 Agustus 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 2**

2. SUNO ZO' AYA SAMATI KHÖNIA

do = c 4/4

MM = hil - 104

1. Suno Zo' aya samati khö- Nia, ae omusoi' ö dödömö wanuno.
Wangebua' ö Fondrege Zala'wa, suno Zo' aya.
2. Suno Zo' aya me Ibè mbualala, me Idozigö wame' e si sökhi.
Ba no fahöna Ibè ba zamati, suno Zo' aya.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

- SATO** : YADUHU
SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

- SA** : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 272

272. SOROI DÖDÖ, SOROI DÖDÖ

Lala : Röfa Yesu Röfa Yesu (No. 106)

do = bes 3/4

MM = 88 - 96

1. Soroi dödö, soroi dödö, möido u ' ondrasi Yesu.
Oì u ' erogö zi taya, sanaisi ya ' o ba lala
na Yesu ni ' o ' ögu.
2. Omasido, omasido, Yesu, si möi mangatulö.
Ha khö-Nia so wangefa, me sahakhö tödö Ia,
na so wangesa dödö.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Sinunö 119:101-112**

- 101.Lö urai uhundragö lala si lö sōkhi, ena'ö u'o'ö limö andrö.
- 102.Lö ubōhōli zatulö andrö khōu; me no öfahaö ndra'odo.
- 103.Wa'ami ba lelagu gamabu'ula limö andrö; ami moroi ba we wani ba mbawagu!
- 104.Fangatuatuagu goroisamö andrö; andrö u'ogorofi fefu lala waya andrö.
- 105.Fandru fōna gahegu daroma limö andrö, ba haga ba lalagu.
- 106.No fahōlu ndra'odo, ba u'o'ö, ba wanōngōni amakhoitamö andrö, si no atulö.
- 107.No aōndrö sibai ndra'odo. He Yehowa orifi ndra'o, fatörö ba limö andrö?
- 108.Ena'ö na omasi ndra'ugö game'ela mbewegu andrö, soroi ba dödö, ya'ugö Yehowa, ba ena'ö na öfahaö ndra'odo ba gamakhoitamö andrö.
- 109.Ugogohe tangagu nosogu, si lö mamalōmalö, ba lö olifudo goroisamö andrö.
- 110.No lalau wesu khōgu sebua horö andrö, ba lö selungu ndra'o, lö nibōhōligu oroisamö andrö.
- 111.Tāna khōgu, irugi zi lö aetu, wamaduhu'ōmö andrö, me no fa'omuso dödögu.
- 112.No aolo dödögu ba wolo'ö amakhoitamö andrö, si lö mamalōmalö, irugi gamozua.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita fōna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö fōna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fōnama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHÜO (AB)

- : Da tafondrondrongo daroma Li Lowalangi, tehalö moroi ba zura **II Timoteo 4:6-8**

6. Ya'odo sa, ba nibe'e sumange sa'ae, ba lö ara tō, ba irugi baw~a wangefagu andrō.
7. Fasöndrata si sōkhi andrō, ba no ulau, ba tōrōw~a andrō, ba no u'o'ozui, lö nibōhōligu famati andrō.
8. Ba iada'e sa'ae, ba no mufōfō'ö khōgu dakula ba wa'atulō dōdō andrō, nibe'e Zo'aya andrō, sangatulō'ö fanguhuku, khōgu dania, na luosafuria andrō, ba tenga ha khōgu, idozigō gōi zangomasi'ö fa'ato'elenia andrō.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

\ Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi fasömbata Sanandrösa ba Komisi Perempuan. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö
Numero 267

267. HA YA' UGÖ, YESU 1

do = c 4/4

MM = 96 - 104

1. Ha Ya' ugö, Yesu, usuno-suno.
Me fahöna wa ' omasi, si tebai olifudo.
Ya ' e göi ndra' odo, da möido enoni- Mö Keriso.
2. Ha Ya' ugö Yesu, nitöngönigu.
Me samatörö ya' odo, sagötö fa' aurigu.
He sokhö ya' odo, da möido enoni-Mö Keriso.
3. Ha Ya' ugö Yesu, zomasi ndra' o.
Me sangefa' ö horögu, ba tebai olifudo.
Me lö khögu sulö, da möido enoni-Mö, Keriso.
4. Ha Ya' ugö, Yesu, wangorifigu.

Ba samehulu tödögu, wogamö saŵatögu.
Ohahau dödögu me no khö-U ndra' o sindruhundruhu.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya' e zumange fasömbata, ma' ohe sumange Yehowa.

Iramatua

Reff : Ma'andrö khö-U fahowu'ö zumange ni 'ohema khö-Mö

2. Ya'e zumange fasömbata mabe'e soroi ba dödöma.

Reff : Ma'andrö khö-U

3. Ya'e zumange fasömbata buala si'otarai Nama.

Reff : Ma'andrö khö-U

4. Ya'e zumange fasömbata, boto, noso, ba fa'aurima

Reff : Ma'andrö khö-U

5. Ya'e zumange fasömbata, lö irugi zomasi dödö-U.

Reff : Ma'andrö khö-U

6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:
- Koor ba Vokal Group
 - a. Koor Jemaat Tuwuna
 - b. Kegiatan Komisi Bapak
 - c. Kegiatan sektor 3
 - d. Kegiatan Komisi Perempuan
 - e.

9. MANUNÖ

- SA :** Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUUHO SEBUA

- SH :** Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Yeremia / Yeremia 15:15-21 (Tuho Migu: Taroma Li Lowalangi Fa'omuso Dödögu / Firman Tuhan Menjadi*

Kegirangan Bagiku)

- b. Fanuriaigö
 c. Nitano ba dödo. *Yeremia / Yeremia 15:16b (Ba toballi fa'omuso dödoğu daromali-U andrö, ba fa'owuawua dödoğu. / Firman-Mu itu menjadi kegirangan bagiku, dan menjadi kesukaan hatiku.)*
 d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

1. No mafondrondrongo li-U, Lowalangi So ' aya.
 Tanö ba dödo ma ia, fa böi olifuga.
 Fahowu 'ö ia khöma, ena ' ö ohahau dödo ma fefu.
 Heta ba dödo zi lö sökhi, ma'o ' ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 279 ayati 1-2**

279. HE YESU, OMASIGA

Lala : Ohe Manö Dangagu (No. 247)

do = d, 4/4

MM = 96 - 104

1. He Yesu, omasiga ma ' o ' öli-U.
 Me dozi Ökaoniga nifaha ' ö-U.
 Humulusa dödo ma ba matema.
 Wa ' auri si lö aetu soroi Nama.
 2. Oroma' ö lalama ba haga-Mö.
 Me asese tobini ba telumö.
 Lakhömi gulidanö zolumö' ö.
 Ba gisö' isö dödo soya manö.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si

no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGGE + HOWUHOWU :**
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **279 ayati 3**

279. HE YESU, OMASIGA

Lala : Ohe Manö Dangagu (No. 247)

do = d, 4/4
MM = 96 - 104
3. Ya' ugö gubaloma si lö faröi.
Sanuturu lalama ba wekoli.
He oya nemalima sangalani.
Ö' ila ötenawa ba Öfoloi.

SH : **YA'AHOWU**

SATO : **YA'AHOWU**